

## Akcija “Let’s Do It – milion sadnica za jedan dan”

- JP“Bosansko-podrinjske šume“d.o.o. Goražde je kao i prethodne godine, i ove godine podržalo volontersku akciju „Let's Do It“ – milion sadnica za 1 dan, projekat u BiH koji je počeo u 2012.godini, i koji ima za cilj prvenstveno sadnju tj. pošumljavanje šumskog zemljišta kao i sadnju drveća u parkovima i sl.



JP“Bosansko-podrinjske šume“ d.o.o. Goražde je za ovu akciju obezbijedilo sadni materijal, potreban alat za sadnju, prevoz volontera i sadnica na mjesto predviđeno za pošumljavanje, hranu za učesnike kao i stručnu pomoć u organizaciji i realizaciji radova.

Akcija je protekla u najboljem redu i radu, sa malo više zemlje na rukama, mraza na obrazima ali i raspoloženja u srcima kod svih učesnika. Nadamo se da su mladi volonteri sa ove akcije ponijeli lijepe utiske i, nadamo se, bar malo više ljubavi za šume i prirodu oko nas, kao i odlučnosti da je očuvaju i unaprijede.



## Goraždanski srednjoškolci na pošumljavanju




- Ove jeseni u radovima pošumljavanja u organizaciji JP“Bosansko-podrinjske šume“d.o.o. Goražde , učestvovali su i učenici Mješovite srednje škole „Enver Pozderović“ Goražde. Naime, oni su kroz Program „Aktivni mladi 2014“ , gdje su odabrani kao jedan timova, za razvoj liderskih i preduzetničkih vještina srednjoškolaca u BiH, i saradnju sa javnim preduzećem dobili mogućnost i učestvovali su na radovima pošumljavanja.

# Akcija pošumljavanja uposlenika JP “Bosansko-podrinjske šume” d.o.o. Goražde




- Zaposlenici JP“Bosansko-podrinjske šume“d.o.o. Goražde, već duži period svake godine izvrše pošumljavanje 1 ili 2 hektara površine, tj. zasade 2.000 – 5.000 ili više sadnica, kako bi dali svoj doprinos u očuvanju i unaprijeđenju šuma. Tako je bilo i ove jeseni kada su, već iskusni u ovim poslovima, zaposlenici javnog preduzeća izvršili sadnju 2.500 komada pitomog kestena ( *Castanea sativa* ) u odjelu 20 GJ“Potkozara“.

# Zaštita šuma od štetnih insekata



- U periodu 2013/2014 godina na ŠGP“Bosansko-podrinjsko“u odjelu 20 GJ“Potkozara“ odsjek „a“ – GK 3410 – Šumski zasadi četinarara ( sa procijenjenom drvnom masom) na staništu šuma hrasta kitnjaka na različitim zemljištima, došlo je do pojave prenamnoženja štetnog šumskog insekta – potkornjaka. Pojava prenamnoženja potkornjaka u ovoj šumskoj kulturi je posljedica velike suše koja se desila u 2012.godini i takođe u 2013.godini. Rezultat suše je bilo fiziološko slabljenje stabala , koja su zatim bila pogodna za razvoj sekundarnih patogena, u ovom slučaju potkornjaka, i u sadejstvu sa drugim povoljnim faktorima za njihov razvoj, došlo je do prenamnoženja istog.

JP “Bosansko-podrinjske šume“ d.o.o. Goražde je odmah reagovalo na pojavu žarišta potkornjaka (vrlo opasnog i štetnog po šume insekta), znajući kako nesagledive posljedice može da izazove njegovo prenamnoženje.



Izvršena je doznaka svih zaraženih stabala na ovom lokalitetu, sječa u što kraćem roku, izvoz šumskih drvnih sortimenata i uspostavljanje šumskog reda. Posječena drvena masa je odmah odvezena sa šumskog stovarišta. Grane i kora koji su složeni u gromade, i u strogo kontrolisanim uslovima izvršeno je spaljivanje istih. Postavljene su feromonske klopke radi dalje kontrole broja potkornjaka.



U jesenjem periodu je izvršeno pošumljavanje ove površine ( 1 ha ) sa sadnicama pitomog kestena ( *Castanea sativa* ) 2.500 komada.

Na ovaj način JP“Bosansko-podrinjske šume“ d.o.o. Goražde, se uspješno izborilo sa nastalim žarištem ovog štetnog šumskog insekta koji, u prenamnoženju, može da izazove nesagledive štete u šumama. Sada je brojno stanje potkornjaka, u ovoj sastojini, na normalnom nivou i pod konstantnom je kontrolom. Kontrola broja potkornjaka se provodi redovnim brojanjem ulovljenih insekata u feromonskim klopka i redovnim zamjenama feromona u klopka.